



**MINISTRY IN THE PRESIDENCY  
REPUBLIC OF SOUTH AFRICA**

**Private Bag X860, Pretoria, 0001, Tel: 012 473 0164, Cape Town  
8000, Tel: 021 464 2100**

---

**Sitatinende saMengameli Cyril Ramaphosa lesimayelana  
neNchubekelembili Kumitamo Yavelonkhe Yekuvimba  
Kubhebhetsaka Kwelubhubhane Iwe-COVID-19**

**E-Union Buildings, eTshwane  
Mhla tinge-27 Inhlaba 2021**

Bantfu baseNingizimu Afrika,

Mengameli wetfu waphambilini Nelson Mandela wabhala watsi:

*“Ngiyihambile indlela lendze leya enkhululekweni. Ngizamile kutsi ngingangatsiti;  
ngibe nako kunganyatseli kahle endleleni.*

*“Kodvwa ngembuleleke imfihlo letsisi ngemuva kwekucancha ligcuma lelikhulu,  
umuntfu utfola kutsi kunalamanengi emagcuma lekumele kutsi awacanche.”*

Njengelive, sesibukene nemahlandla lamabili labhubhisako ekwesuleleka ngelufu  
lweligciwane lekhorona.

Sikuncobile konkhe loku ngekutsi siphendvule ngekushesha futsi ngekutsatsa  
sincumo ngekutimisela, futsi ngekutsatsa sinyatselo ngekuhlanganyela kute sivimbe

kubhebhetsuka kwaleligciwane kanye nekuvikela iminden i yetfu, imimango yetfu kanye natsi lucobo lwetfu.

Nyalo sesibukene nalenye insayeya lenkhulu, lelinye ligcuma lekufanele silicanche.

Emalangeni lalishumi nakubili lendlulile, ngakhulum nani nganicwayisa kutsi sekubhdevuke lihlandla lesitsatfu lelisha lelibulalako lekusuleleka ngalolofu etifundzeni tetfu letinengi, futsi liyabhebhetsuka.

Silinganiso-mkhatsini sekwesuleleka lokusha ngelilanga ngalolofu besingetulu ngalokuphindvwe kibili, kungeniswa kwetiguli esibhedlela bekwenyuka, nelizinga lekushona kwebantfu ngenca ye-COVID-19 belenyuka cishe nge-50%.

Njengaloku ngikhulum nani lamuhla kusihlwa, lesimo sesibi kakhulu.

Kanye nakulamanye emave lamanengi ase-Afrika, live laseNingizimu Afrika selibukene nekubhdevuka futsi lokukhulu kwalokutseleleka ngalolofu.

Sikhungo sase-Afrika seKulawula Tifo Nekuvikela sibika kutsi lihlandla lesitsatfu lalesifo liyeta kulelivekati.

Kute kube ngumanje, Imibuso Lelilunga Yelubumbano Iwe-Afrika ibike kutsi kunetehlakalo letingetulu kwetigidzi leti-5.2 kanye nekushona kwebantfu labangetulu kwe-138 000 ngenca ye-COVID-19.

Leligciwane le-COVID-19 lelihlasele lelive letfu ngeNdlovulenkhulu kulomnyaka lophelile lichubeka ngekugucuka, lidale luuhlobo lolusha Iwemagciwane.

Bososayensi betfu basitjela kutsi ligciwane le-COVID-19 linetinhlobo letinyenti letahlukahlukene.

Kulomnyaka lophelile, sihlangabetane neluhlobo Iwe-**Beta**.

Kwengeta, nyalo sesineluhlobo Iwe-**Delta**.

Loluhlobo Iweligciwane Iwatfolakala kwekulala eNdiya ekupheleni kwenyanga yeNdlovulenkhulu kulomnyaka, nyalo selifolakala emaveni lange-85.

Loluhlobo Iweligciwane i-**Delta** libhebhetsuka njengemlilo wesikhotsa eNdiya futsi ngendlela letfusako.

Leligciwane leluhlobo Iwe-**Delta** nyalo selutfolakale etifundzeni tetfu letisihlanu, letibitwa ngekutsi kuseMphumalanga Kapa, eFreyistata, eGauteng, KwaZulu Natali kanye naseNshonalanga Kapa.

Bufakazi lesinabo butsi loluhlobo Iweligciwane i-**Delta** lutsatsa ngekushesha sikhundla seluhlobo Iweligciwane i-**Beta**, lekusolo kungilo beligcamile lapha eveni letfu kwabangunyalo.

Sikhatsatekile mayelana nekubhebhetsuka ngekushesha kwaloluhlobo Iweligciwane.

Kwekucala, ngobe kwesuleleka kakhulu kunalamagciwane labekhona ekucaleni, lokusho kutsi kulula kakhulu kutsi ulitfole ngekutsintsana nalomunye umuntfu.

Kucatjangwa kutsi loluhlobo lutsatselana ngalokuphindhwe kabili kunaloluhlobo Iwe-**Beta**.

Kwesibili, ngenca yekutsi litsatselana kakhulu, lingakhona kufakela bantfu labanengi lufu.

Njengawo emagciwane aphambilini, ungalendlulisela kulomunye ungati nekwati kutsi unalo.

Kwesitsatfu, nyalo sekunebufakazi betesayensi lobuvelako kutsi bantfu labatseleleke ngaloluhlobo Iweligiwane le-**Beta** phambilini bete kuvikeleka lokuphelele kuloluhlobo Iweligiwane le-**Delta**, futsi basenekutseleleka futsi.

Kwesine, njengaloku litselelana kakhulu, tinyatselo lesinato kwanyalo tekuvimba kubhebhetsaka kwaleligciwane kungenteka tinganeli kutsi tinciphise kwendluliseka kwaleligciwane.

### **Kunyenti kakhulu futsi lesingakwati ngaloluhlobo Iweligiwane.**

Sibonelo, akucondzakali kutsi ngabe libanga timphawu tekugula letimatima yini.

Imininingwane yekucala yalamanye emave iveta kutsi atisimatima kakhulu.

Imibiko levela kulamanye emave, lokufaka ekhatsi nalawo lalapha kulelivekati letfu, iphindza iveta kutsi kusuleleka ngalolufu kanye nekugulela kwelashwa kubantfwana kungavama kakhulu lokubangwa nguloluhlobo Iweligiwane le-*delta*, ngisho nelizinga lekvesuleleka ngalolufu liphasi kunebantfu labadzala.

Kubhebhetsaka ngekushesha kwaloluhlobo Iweligiwane kumatima kakhulu.

Ngisho nome ngabe atisimatima kakhulu, lelizinga bantfu labasuleleka ngalo kungaholela ekutseni bantfu labanyenti bagule futsi badzinge nekwelashwa ngasikhatsi lesifananako.

Kudzingeka kutsi sicaphele kakhulu.

Njengalamuhla, silinganiso-mkhatsini semalanga la-7 setehlakalo letinsha tekwesuleleka eveni lonkhe sesengce sicongo selihlandla lekucala ngaKholwane kulomnyaka lophelile, futsi litakwendlula ngekushesha sicongo selihlandla lesibili lesibenaso ngaBhimbidvwane kulomnyaka.

Sifundza saseGauteng nyalo sinetehlakalo letinsha tekwesuleleka letingetulu kwe-60% eveni lonkhe.

Ngaphandle kweNyakatfo Kapa ne-Freystata, kwesuleleka ngalolufu kwenyuka ngekushesha kuto tonkhe.tifundza.

Kufanele futsi sihlale njalo sicaphele eNyakatfo Kapa kanye naseFreystata, lokungenteka kutsi letifundza tibukane nekubhedvuka kwelihlandla lesibili letehlakalo nangabe loluhlobo lolusha Iweligiwane liyabhebhetsaka nakhona.

Kufanele kutsi sonkhe sikhatsateke ngaloko lesikubona kwenteka emehlwani etfu.

Wonkhe umuntfu unemngani, lilunga lemndeni nome lowo lasebenta naye losuleleke ngalesifo.

Bambalwa kakhulu kulelive letfu labangakangcwabi lilunga lemndeni, umngani nome lotsandzekako wakhe labalahlekelwe timphilo tabo nganca yalesifo.

Sisemkhatsini welihlandla lelibhubhisako lokukhombisa ngato tonkhe tindlela kutsi kutawuba kubi kakhulu kwengca lamahlandla landvulele.

Sicongo salelihlandla lesitsatfu kubonakala sengatsi sitawubasetulu kakhulu kunalamahlandla lamabili aphambilini.

Lihlandla Lekucala latsatsa emaviki la-15. Lihlandla Lesibili Iona latsatsa emaviki layimfica.

Asati kutsi lelihlandla leli Iona litawutsatsa sikhatsi lesingakanani, kodvwa tinkhomba titsi litawutsatsa sikhatsi lesidze.

Ngiyati kutsi kwekugcina loko linyenti lenu lelifisa kukuva.

Sonkhe sibeketelele bumatima lobukhulu kulomnyaka lophelile nesigamu.

Kungenteka sicabange kutsi njengaloku imphilo beseyibuyela kancane esimeni lesetaryelekile, sesingayitsatsa kancane imitsetfosimiso yetemphilo yemmango.

Mhlawumbe sesidziniwe kufaka tifonyo nasihamba ngetigitjelwa temmango sancuma kutikhipha ngalelinye lilanga. Nasibona kute umuntfu lokuphikisako loko nome lokhononako, siyayekela kutifaka.

Siya emicimbini yekutijabulisa sifake sifonyo, kodvwa siyasikhipha nasesingenile.

Nasihangana nebangani betfu nome labo lesibatsandzako siyabagaca, sibacabuze, sichawulane, sikholelwa ekutseni siphephile nabo baphephile.

Siyachubeka ngekwemukela timemo tasemicimbini yekutijabulisa kanye nasemadzilini futsi natsi siyisingatse.

Liciniso lelibuhlungu kutsi kukhobosa kuhamba nenkhokhelo lenkhulu.

Kufanele kutsi sihlale njalo sitigadzile futsi sichubeke ngekutsi sicaphele ngaso sonkhe sikhatsi.

Kufanele kutsi sigcine imitsetfosimiso yetemphilo yemmango lekhona kute kutsi siphephe futsi kuphephe nalabanye.

Sigadze nemandla ekusebenta etisetjentiswa tetfu tetemphilo kute kutsi tikhone kumelana nekwenyuka kwalokusuleleka kuyintfo lesiyibeke embili kucala ngayo kutsi siyente.

Etifundzeni letinengi, tikhungo tetfu tetemphilo setifwele kamatima, netikhungo letitimele tetemphilo nato setifwele kamatima.

Nanome tibhedlela tetfu tente imitamo lengetulu kwalokulindzelekile kutsi temukele tigulane, imibhedze yasemagunjini alabagula kakhulu mincane.

Lesikubonako kutsi letinyatselo letikhona tekuvimba lokubhebhetsaka atikaneli kutsi timelane nalelitubane kanye nebungako bekwesuleleka lokusha.

Kubuka kutsi ngutiphi tinyatselo letinsha lekumele kutsi sititsatse sibuke loko lokuncono lokwentiwa emaveni emhlaba satsatsa kanye neminingwane yetesayensi kutifundvolucwaningo emhlabeni wonkhana.

Lesikubeke embili kutsi sicale ngako sikwente kutsi sincamule loluketane Iwekndluliseka kwaleligciwane ngekutsi sinciphise kutsintsana kwebantfu ngaleylo ndlela sisite ekwehliseni lizinga lekwesuleleka.

Ngekutsatsela eselulekweni setesayensi seLikomidi Letindvuna Lekweluleka kanye nalokunye kubonisana kanye netifundza tetfu nebaholi bemadolobhakati nebendzabuko, kanye nesincomo seMkhandlu Wavelonkhe Loweluleka Ngeteligciwane Lekhorona, Ikhabinethi income kutsi lelive kumele kutsi lingene eSigaben Lesilungisiwe Sekucaphela se-4.

Ikhabinethi income kutsi kute kucinisekiswe kutsi kumphendvula kwetfu kufanele futsi kulingana nalesimo lesikhona, imitsetfo yekuvimbela leyengetiwe lesiyimemetelako lamuhla kusihlwa itawudvonsa emalanga la-14.

Sitawuhlola umtselela waletingenelelo ngemuva kwemalanga la-14 kutfola kutsi ngabe idzinga kutsi ichubeke igcinwe injalo nome ilungiswe.

Ngako-ke, letinyatselo letilandzelako titawucala kutsi tilandzelwe eveni lonkhe kusukela kusasa, ngeMsombuluko, tinge-28 Inhlaba 2021 kute kube Lisontfo mhla ti-11 Kholwane 2021:

- Yonkhe imihlangano – lebanjelwa ngephandle nome ngekhatsi – ayikavunyelwa. Loku kufaka ekhatsi imihlangano yetenholo, yetepolitiki, yetemasiko kanye neyekutijabulisa.
- Imingcwabo kanye nekushiswa kwetidvumbu kuvunyelwe, kodwva labatawuhambelo leyo mingcwabo kufanele kutsi bangengci kubantfu labange-50 futsi kucheelanwe futsi kugcinwe tonkhe tinchubo tetemphilo.
- Imilindzelo, imihlangano leba ngemuva kwemingcwabo kanye nemihlangano ‘yema-after-tears’ ayikavunyelwa.
- Tindzawo temmango, njengemabhishi nemapaki, atawuhlala avuliwe. Nanome kunjalo imihlangano ngeke ivunyelwe.

- Umtsetfo weliwashi utawusebenta kusukela ngensimbi ye-21:00 ebusuku kute kube insimbi ye-04:00 ekuseni, kantsi tonkhe tikhungo letingenti umsebenti lobucayi titawuvalwa ngensimbi ye-20:00 ebusuku.
- Kutsengiswa kwetjwala kutsi kunatselwe khona lapho kutsengiswa khona kanye nekubutsenga ungabunatseli khona akukavunyelwa. Likomidi Letindvuna Lekweluleka leluleke ngekutsi lemitsetfo yekuvimbela lebeyinemkhawulo leshaywe ngaphambilini beyite imphumelelo ngako-ke lokuvala kusebenta kwelive kutakwehlisa umtfwalo etibhedele lobangwa tehlakalo letiphatselene netjwala.
- Ngenca yemtfwalo wekusuleleka ngalolufu eGauteng, kuhamba uye nome uphume kulesifundza ngetinjongo tekukhibika ngeke kuvumeleke. Loku akufaki ekhatsi kuhamba ngekwemsebenti, ngekwebhizinisi, kwendlula uye etikhumulweni tetindiza nome kutfutsa imphahla.

Nangabe kwanyalo awukho endzaweni yakho lapho uhlala khona, utawuvunyelwa kutsi ubuyele ekhaya eGauteng nome uphume.

- Kuvakashela emakhaya ebantfu labadzala, tikhungo tekunakekela kanye naletinye nje ‘tindzawo tekuhlangana’ kutawuba nemkhawulo.
- Emaresitjurenti kanye naletinye tindzawo tekutsenga kudla uhlale phasi udlele khona titawuvunyelwa kuphela kutsi titsengise kudla ukutsatse uhambe nome uletselwe kona. Loku kungena yekutsi labo labatsenga loko kudla ngeke bakhone kufaka tifonyo tabo ngesikhatsi badla nome banatsa kuleto tindzawo.

Kuvalwa kwetikolo kanye naletinye tikhungo tetemfundvo tivalelwem emaholide asebusika sekutawusheshe kwentiwe.

Tikolo titawucala tivalwe kusukela ngaLesitsatfu lo, mhla tinge-30 Inhlaba 2021, kantsi tonkhe tikolo tilindzeleke kutsi tivalwe ekupheleni kweliviki, mhla ti-02 Kholwane 2021.

Kufundza ngekuya emaklasini etikhungweni temfundvo lephakeme kutawugcina ngaLesitsatfu, mhla tinge-30 Inhlaba 2021, kube nekufinyelela lokunemkhawulo kuleto tikhungo.

Tindzawo tekuhlala titjudeni titawuhlala njalo tivuliwe.

Tindvuna teMfundvo Lesisekelo kanye neyeMfundvo Lephakeme, Tesayensi Netemcondvo Lomusha titawuchaza imininingwane lebanti mayelana naletinhleembiso.

Letinyatselo lesitibekako nyalo tihleleke ngendlela yekutsi kuvumeleke kutsi kusebenta kutemnotfo kuchubeke ngalokusemandleni, kodvwa sibe silwa nekuvimba kubhebhetsaka kwaleligciwane.

Emabhizinisi lamanengi atawuchubeka asebente ngalokuphelele futsi ngeke atsikameteke.

Sigcile ekutseni sinciphise kutsintsana kwebantfu kodvwa sibe sivikela umnotfo.

Ngifuna kugcizelela kutsi kupocelekile kutsi lowo nalowo muntfu afake sifonyo lesivala njalo imphumulo nemlomo nangabe asendzaweni yemmango.

Kulicala kungakwenti loko.

Banikati kanye nebalawuli betakhiwo tahulumende, tikhungo, titolo, emaresitjurenti, ematekisi nemabhasi banesibopho sekucinisekisa kutsi bantfu labalapho etindzaweni tabo nome labakutigitjelwa tabo bafaka tifonyo.

Bonkhe bacashi kufanele kutsi bavumele basebenti babo kutsi basebentele emakhaya nangabe kwenteka, futsi bahlehlise konkhe kuhamba lokungasibucayi kanye nemihlangano yasemisebentini.

Hulumende naye utawuphinda futsi abeke tinyatselo tekunciphisa kuya matfupha kwebasebenti etindzaweni tekusebenta ngesikhatsi avimbela kutsikameteka ekusebenteni kwahulumende kanye nekuletfwa kwetinsita.

Njengaloku sifezekisa lemitsetfo levimbelako, siyachubeka ngekusebenta kute sicinise emandla ekusebenta kweluhlelo lwetfu lwetemphilo.

EGauteng, kulahlekelwa ngemandla ekusebenta lamcoka ngenca yekuvalwa lokuchubekako kweSibhledela i-Charlotte Maxeke Hospital kwengeta umtfwalo kuletinye tibhedlela.

Senta konkhe lokusemandleni kutsi senete imibhedze kanye nekwenta kutsi kuvulwa futsi kwesibhedlela i-Charlotte Maxeke Hospital kwentiwe ngekushesha.

Kwanyalo, sifundza saseGauteng sente kutsi kube nemibhedze le-830 leyengetiwe ngekutsi kuhlehliswe kuhlindvwa lokungasibucayi kanye nalemente imibhedze leng-400 leyakhiwe ngebuchwepheshe beluhlobo lolunye nyalo seiyasetjentiswa.

Sicocile nebakhiciti bemoyamphilo wetekwelapha kutsi bandzise umkhicito wabo kute sikhone kumelana nemtsamo lowengetiwe lesiwucabangako wetehlakalo.

Siyachubeka nekwelusa kubakhona wesitoko sema-PPE nesemitsi kute singenelele lapho sibona khona kutsi sekunekwehla kumazinga esitoko.

Litiko Letemphilo IaseGauteng licasha basebenti labengetiwe kute batokwesekela basite kulomtfwalo losewandzile.

Sikhwama Semfelanzawonye sikhipe tigidzi le-R16 kwesekela kucashwa nekutsi kube nebahlgikati labangetiwe etibhedlela taseGauteng batokwengeta kulelicembu letemphilo letitfunyelwe.

Kucinisekisa kutsi kunendzawo yemibhedze leyanele, kudzingeke kutsi sihlele temphilo kabusha kute sicinisekise kutsi kunemandla ekwelapha lapho labanetehlakalo te-COVID-19 letimatima kakhulu.

Sichubekela embili neluhlelo lwetfu lwavelonkhe lolwandza ngekushesha Iwekukhipha umutsi wekuovela kugoma.

Loluhlelo selucale kuhamba ngesivinini lesimcoka futsi sekukhona loko losekwentiwe losekufezekile njengaloku sichubekela embili nje.

Emkhatsini walamabili itolo ebusuku, cishe sebatigidzi le-2.7 bantfu baseNingizimu Afrika lasebatfole silinganisomutsi semjovo wekugoma.

Kuleliviki leliphelile, lizinga lekujova ngelilanga lengce ku-100 000.

Emalangeni lamatsatfu lengcile, sitfole tilinganisomutsi letengetiwe tetigidzi le-1.2 temjovo waka-*Johnson & Johnson* kanye netilinganisomutsi letitigidzi le-1.4 temjovo waka-*Pfizer* ngekusebentisa sisetjentiswa se-COVAX.

Njengaloku sesitfole loluphakelo lolwenetiwe, sesitawukhona-ke kwenyusa lizinga lekujova kuleliviki nasemavikini lalandzelako.

Ngekuhambisana nelisu letfu lavelonkhe lekukhipha imitsi yekugoma, basebenti labanakekela ngetemphilo labangetulu kwe-950 000 nyalo sebajovile eveni lonkhe kantsi kubhalisa nekujovwa kwabo kuyachubeka.

Sigaba setfu sesibili sekukhipha umutsi wekugoma naso sihambe kahle kakhulu kanye nemkhankhaso wekubhalisa kanye nekujovwa kwelicembu lalabo labaneminyaka lengetulu kwalenge-60 budzala uyachubeka nekutsela titselo letinhle.

Nanome sisengakafinyeleli kuleto takhamuti lesitilinganisile letitigidzi letishlanu kulelicembu, leso naleso sifundza nyalo sesingenele umkhankhaso wekuhlanganisa bantfu kusita bantfu betfu lasebakhlile kutsi babhalise kute batfole umutsi wabo wekujovela kugoma.

Kute kube ngulamuhla, sekubhalise bantfu labatigidzi le-3.8 kuNchubo Yemininingwane Yekugoma Yekwe-elektroniki (i-EVDS).

Loluhlelo Iwavelonkhe Iwekujova lutawuchubeka ngetingoni letintsatfu letichaziwe.

Ingona yekucala linanibantu jikelele ngekweminyaka yebudzala.

Licembu lelilandzelako lebantfu labaneminyaka lenge-50 kuya kulenge-59 letawucala kubhalisa ngaLesine, mhla ti-01 Kholwane 2021 kantsi kujovwa kwalelicembu kutawucala ngaLesine, mhla ti-15 Kholwane 2021.

Ingona yesibili seyivele icalile ngebantfu labasebenta emkhakheni wetemfundvo lesisekelo, sikhuluma nje sekurekhodwe kutsi sekujovwe bantfu laba-184 000 kute kube ngulamuhla.

Ingona yesitsatfu igcila kumaphoyisa kanye nakuletinye tisebenti tekuvikela.

Sitawucala kujova lelicembu ngeMsombuluko, mhla ti-05 Kholwane 2021.

Ingona yesine ngulehanjisa ngetinhlelo tasemisebentini kumkhakha lemcoka yetemnotfo njenetimayini, tetimboni tekukhicitia nemboni yetematekisi.

Ngitsandza kucela bonkhe labafanelekile kubhalisela kujova kutsi babhalise nge-inthanethi, nge-SMS, ngelucingo nome matfupha.

Sitawuchubeka sisebentisana nebalingani betfu betenhlalo kanye nemimango kutsi sifinyelele kubantu labanengi ngalokusemandleni futsi ngekushesha.

Bantfu bakitsi baseNingizimu Afrika,

Kusenelwatiso lolunyenti lolungasilo liciniso loluvakalako lolumayelana nemjovo wekugomela i-COVID-19.

Tindzaba letingasilo liciniso tibhebhetsaka emacenjini e-WhatsApp, etinkhundleni tekuchumana, ngelivi lemlomo mayelana nemjovo we-COVID-19, basho kutsi lomjovo awukaphephi, uyagulisana, nome awusebenti.

Ngakusho ngaphambilini, ngiyakusho futsi nanyalo: cabanga ujule ngembikwekutsi uchafate inkinobho yekwabelana nome yekutfumela.

Ngicela kutsi ucabange ngemonakalo lowubangako.

Ubhebhetskisa kwetfuka, kwesaba nekudideka ngesikhatsi lesibi.

Bufakazi betesayensi lesinabo bukhombisa kutsi lemijovo iyasebenta. Iphephile. Isebenta ngemphumelelo, futsi isindzisa timphilo.

Nangabe unembuto nome ngabe ngumuphi lomayelana nalomjovo, nangabe ute sicianiseko ngandlela tsite, ucelwa kutsi ubuke Iwatiso lolunikwa Litiko Letemphilo kanye nalolukhishwa bodokotela.

Kungenteka kutsi unembuto ngalemijovo lesjetentiswa nyalo kutsi ngabe inemandla yini kuvikela kugula lokumatima nome kwelapha loluhlobo lolusha Iweligiwane.

Kunebufakazi lobutsi lemijovo lesiyisebentisa lapha eNingizimu Afrika inemandla ekulwa naloluhlobo Iweligiwane le-*delta*.

Likomidi Letindvuna Leleluleka Ngemjovo litawuchubeka nekubuka yonkhe Iwatiso lolukhona bese lilungisa seluleko salo nangabe bufakazi lobusha buvela.

Kufanele kutsi sikhumbule kutsi labanye bantfu labajoviwe basangatseleleka ngalolofu, akunandzaba kutsi nguluphi luhlobo, ngobe kute umjovo lonemandla 100%.

Labo bantfu lasebajoviwe nabatseleleka ngalolofu, timphawu atibi timbi kakhulu.

Intfo lebaluleke kakhulu kutsi nome ngabeyiphi yalemijovo lesiyikhiphako itakuvikela ekuguleni lokumatima, ekungenisweni esibhedlela kanye futsi, nakulokubaluleke kakhulu, ikuvikele ekufeni.

Ngitsandza futsi nekukhumbuta bantfu baseNingizimu Afrika kutsi kufanele sichubeke sitilandzele tinkhombandlela tetemphilo ngisho nome ngabe sesijovile.

Kuso sonkhe lesikhatsi salolubhubhane, kuperhendvula kwetfu kwavelonkhe bekuholwa tingcweti tetemphilo letitinikele, basebenti labanakekela ngetemphilo kanye nabososayensi.

Sibakweleta kubabonga bonkhe ngemsebenti wabo webungcweti kanye nekutinikela.

Kuyakhatsata kakhulu kubona baholi betepolitiki bahlasela ngemavi labantfu labenta umsebenti labanikwe wona kutsi bawente.

Kufanele kutsi sikhumbule kutsi Umkhandlu waseNingizimu Afrika Lolawula Imikhicito Yetemphilo (i-SAHPRA) ungumlawuli lotimele logcile kuperhela ebufakazini betesayensi kucinisekisa kuphepha, lizingasimo kanye nekuba nemandla ngalokufunwa temphilo yemmango.

I-SAHPRA kufanele kutsi ivunyelwe kutsi yente umsebenti wayo ngaphandle kwekusatjiswa nome umtselela wetepolitiki kute kutsi nangabe imijovo ivunywa, ummango kufanele kutsi ube nelitsema lekutsi lemijovo iphephile, futsi yelizingasimo lelihle futsi itawusebenta.

Bantfu bakitsi baseNingizimu Afrika,

Kusukela live lakitsi labika sehlakalo sekucala sekufa ngaleligciwane lelibulalako, sivisisile kutsi sikanyekanye sonkhe kuloku.

Njengaloku sonkhe besetsembe kutsi lolubhubhane lutakwendlula ngekushesha, sesiyalibona liciniso kutsi lehluke kakhulu kunaloko.

Kungabakhona kungabi nesiciniseko mayelana nendlela yalolubhubhane, kodvwa yinye kuperhela intfo lesinesiciniseko nayo.

Singakhona futsi kufanele kutsi sichubeke ngendlela lencono lesiyatiko yekukwenta loko.

Tinyatselo tetemphilo letivivinyiwe nalebetilingwa lebetisolo tikhona tiyindlela yetfu lencono kakhulu yekulwa nalolubhubhane.

Atisinkimbonkimbo, atisilukhuni nome atibiti kakhulu.

Nome ngabe tingasiphatsa kabi kanjani, kodvwa tincono kakhulu kunekutsi sigule kamatima futsi sidzinge kwelashwa.

Kufanele kutsi sihlale njalo sifake sifonyo nasisemkhatsini webantfu.

Kufanele kutsi sigeze tandla njalo nome sitigeze ngesibulalimagciwane.

Kufanele kutsi sihlale njalo sichelelene nalabanye bantfu.

Ngaphandle nangabe kudzingekile, ucelwa kutsi uhlale ekhaya.

Nangabe ugula futsi unetimphawo letingasimatima te-COVID-19, kufanele kutsi uhlale wedvwa, ungahlali ngisho nemalunga emndeni wakho losedvute.

Nangabe utsintsane nemuntfu lowesuleleke ngalolufu lwe-COVID-19, kufanele kutsi uhlale wedvwa emalanga lalishumi.

Nangabe uhlolwe wakhandzakala kutsi wesulelekile ngalolufu, yatisa labo bantfu lotsintsane nabo kute kutsi bativikele futsi bavikele nalabanye.

Sonkhe sinesibopho, hhayi kuphela setemphilo yetfu, kodvwa setemphilo yalabo lesisondzelene nabo.

Nanome lolubhubhane lubonakala sengatsi luyasengama, kukhona lesingakwenta macondzana nalo.

Ngenca yaloko lesikhetsa kukwenta, singasita kutsi siluvimbe lolubhubhane.

Sibuya khashane. Sesilwe nalesiphepho cishe umnyaka wonkhe nesigamu.

Sesincobe tihibe letinyenti nekubuyiselwa emuva lokunyenti.

Solomane sisamile, ngobe sibantfu labacinile labancobe lokubi kakhulu etikhatsini letinyenti emlandvweni wetfu.

Nyalo lihlandla lesitsatfu litinika emandla nemfutfo.

Kuyasiphindza futsi, sitikhandza sisesimeni lesibucayi sekulwa nalesifo.

Asikhipheni onkhe emandla lesinawo, asikhipheni sonkhe sibindzi lesisifihlile, sime sicine lelihlandla lidzimate lendlule, nalo futsi kitsi.

Sitawululama futsi.

Sicanche emagcuma lamanengi ngaphambilini, naleli futsi sitalicancha.

Loko sitakwenta ngekusebenta ngekubambisana, njengaloku sihlala senta njalo.

Ngisho kanjalo ngobe ngiyanetsema, bantfu baseNingizimu Afrika.

Ngiyati kutsi nitawuchubeka nente loko lokulungile kanye naloko lokudzingeka kutsi kwentiwe.

Ngiyati futsi kutsi nanome tintfo tingaba lukhuni kangakanani, asiyekeli, asiyekeli.

Sengatsi Simakadze angabusisa live laseNingizimu Afrika aphindze avikele nebantfu balo.

Ngiyabonga.